

八寨縣志稿卷七

關梁

一夫當關萬夫莫敵有關則有所恃而無恐十一月徒杠成十二月  
輿梁成有梁則何所虞而病涉關梁固為通都所常有關梁又為邊  
鄙不必無八寨邊鄙也邊鄙而山川錯雜也山不盡關而有關水不  
盡梁而有梁可錄可棄是在視有關係與無關係者

五里關 在城正北二里舊稱五里不知何據而云然為赴麻江鑪山兩縣之要道兩

山排列中即關隘今馬路通焉

羊勇關 在城正南二十里為八寨三合兩縣交界處大山峙其左深渠  
護其右地亦險要今已拓平為馬路

余家卡 在城南十八里下即三合縣之堡壘地

脚高卡 在城北八十里距四區南皋場二十里通丹江縣之要道

八寨縣志稿卷七

關梁

貴陽文通書局代印

黨弔卡 在城東北百餘里距三區排調場二十五里為入丹江之要道  
得祿汛關 在城正西二十里為赴都勻之要隘清初設一把總防守之  
至光緒季年始裁撤

九門汛關 在城正北六十里為赴丹江麻江兩縣要道清初設一千總  
防守之至光緒末年始裁撤

韭菜坪 距城東二百里許在烏洛東二十里居九硯山排雁山之間為  
榕江縣羊社場七十二寨必由之要道

同界坳 距城東北一百六十里在烏洛西南隅二十里居柳排寨養牛  
坡寨之間為柳烏柳排一帶往喬桑之要道

喬配坳 距城東北一百六十里在烏洛西二十里居玉鼎山排雁山之  
間為古州往排調八寨之古道相傳光緒初因南忙大塘之水妖作祟近往來者鮮

分水坳 距城東一百六十里在烏洛西二十里居玉鼎山白竹山之間

路甚崎嶇爲烏洛經排調八寨之捷徑

五里橋 有三一在城正南二里是爲上五里橋今復擴通馬路爲下三

合之大道一在城東南二里是爲中五里橋一在正東二里是爲下五里

橋均係紳民募款修於清雍正間舊稱五里想由老八寨而言今仍其舊

孫家橋 在城東北二里許

鋼鞭橋 在城正西半里爲赴都勻之通衢

台梨上橋 在城東北十五里邑人劉德超建

台梨下橋 在城東北十五里邑人吳華齋建

長青堡大橋 在城東北十三里距二區長青堡三里地方紳民募捐修

建

小朗大橋 在豐樂堡寨側距城十二里

南甕橋 在豐樂堡北四里距城北十六里清咸豐間劉德超建

八寨縣志稿卷七

關梁

二

貴陽文通書局代印

吳家橋 在城東南二十里洪發壘下吳華齋建

天星橋 距城正南二十里在羊甲寨後

甕城大橋 在興仁堡西五里距城三十餘里陸贊乾建

塘卜大橋 在城北三十五里咸寧堡東里許胡起志建清光緒末咸寧堡撤歸麻江縣

現爲麻江地

新橋 在城北三十五里距咸寧堡里許胡起志建地現屬麻江

中孚堡大橋 在中孚堡東北三里地方集款修建一連三控寬二丈餘

長約五丈至清光緒中葉被水冲塌一控同知吳光鑾復募款補修

合心橋 在二登高西山麓距城西十七里兩橋距離約二丈橋心相對

故名

二道河橋 在城東北十三里民國十九年陳嘉猷復捐資重建橋橋成

適縣長郭孟瑜由二區各保點團回經其地嘉猷請題橋因命名爲福德

橋並贈一聯云福氣得天由已造德星應運過橋來

羊甲大橋 在城南二十里原係蕭姓修建被水冲塌至光緒中葉其後人蕭鳴顯改修木橋又被火燬未復

三元橋 距城東一百七十里在烏洛南十五里清道光十年岑學典修後洪水冲塌於光緒十五年岑嘉謨等重修至二十年復崩今其嗣孫等又籌款以續先人之志

續嗣橋 在柳塢河距烏洛十五里距城東一百七十餘里清道光初年何宗憲馨家私修建雖疊經洪水冲激未遭傾圮或謂憲之修建此橋心志肫誠之所感也

福來橋 距城東一百八十里在烏洛塢先是李文學建考其碑銘僅載天運庚申未詳何時其橋長七丈五尺自清光緒初以迄民國更番朽而復修現今完好如初

八寨縣志稿卷七

關梁

雙銘橋 距城東一百八十里在烏洛四里許之兩岔河此間有大小兩河因名雙銘石姓倡修於清光緒初年係木橋一座越三年被水冲塌今已無存僅存碑碣惟小河橋隨朽隨修行人便之

羅家橋 又名三槐橋距城東一百七十餘里居加腦柳塢之間為往來烏洛塢之要道先為羅承先倡修久而朽壞至清道光末年王有禹繼修以木條鋪架長七丈復經何名超何名馨何名宏何名儒何名揚何名開何名聯王恩培王恩周王恩宣王恩海王恩源王聚昌王宏才胡宏升胡宏元李占富李占鰲等十八家集資買附近杉山一大幅專作修橋之資材以備日後修補之需此一勞永逸之計也

加腦橋 距城東一百六十里清道光元年冉崇德等之祖倡修年久朽壞光緒間陳桂林劉志高等捐資重修今復完善